

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), a u vezi sa članom 37. stav (1) i članom 46. stav (1) Zakona o izvršavanju Budžeta Zeničko-dobojskog kantona za 2021. godinu („Službene novine Zeničko-dobojskog kantona“, broj: 7/21), na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona, na 109. sjednici, održanoj dana 16.06.2021. godine, d o n o s i

ZAKLJUČAK

o usvajanju Programa utroška sredstava od prikupljenih veterinarskih naknada za mjere zdravstvene zaštite životinja i veterinarskog javnog zdravstva na području Zeničko-dobojskog kantona u 2021. godini, u razdjelu 23, budžetska organizacija 01, potrošačka jedinica 0001, ekonomski kod 614400, NAD 405 pozicija „Subvencije-veterinarstvo“, „namjenska sredstva“

I.

Usvaja se Program utroška sredstava od prikupljenih veterinarskih naknada za mjere zdravstvene zaštite životinja i veterinarskog javnog zdravstva na području Zeničko-dobojskog kantona u 2021. godini, u razdjelu 23, budžetska organizacija 01, potrošačka jedinica 0001, ekonomski kod 614400, NAD 405, „Subvencije-veterinarstvo“, „namjenska sredstva“ u iznosu od 400.000,00 KM (slovima: četiristotinehiljada konvertibilnih maraka), Budžeta Zeničko-dobojskog kantona za 2021. godinu („Službene novine Zeničko-dobojskog kantona“, broj: 7/21) i čini sastavni dio ovog zaključka.

II.

Sredstva planirana Budžetom Kantona za namjene predviđene ovim zaključkom, realizovaće se isključivo u skladu sa realizacijom ostvarenih javnih prihoda od prikupljenih veterinarskih naknada za mjere zdravstvene zaštite životinja i veterinarskog javnog zdravstva u Budžetu Kantona.

III.

Za realizaciju ovog zaključka zadužuju se Ministarstvo za poljoprivredu, šumarstvo i vodoprivredu i Ministarstvo finansija, svako u okviru svojih nadležnosti.

IV.

Zaključak stupa na snagu danom donošenja.

PREMIJER

Mirnes Bašić

Broj: 02-_____/21
Datum, 16.06.2021. godine
Zenica

DOSTAVLJENO:

1x Ministarstvu za poljoprivredu, šumarstvo i vodoprivredu,
1x Ministarstvu finansija,
1x a/a.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
MINISTARSTVO ZA POLJOPRIVREDU,
ŠUMARSTVO I VODOPRIVREDU**



PROGRAM

utroška sredstava od prikupljenih veterinarskih naknada za
mjere zdravstvene zaštite životinja i veterinarskog javnog zdravstva
na području Zeničko-dobojskog kantona u 2021. godini

Zenica, juni 2021. godine

Podaci o Programu

Program je usvojen:	na ____ sjednici Vlade Zeničko-dobojskog kantona održanoj _____.2021. godine.
Period realizacije Programa:	Realizacija Program utroška sredstava od prikupljenih veterinarskih naknada za mjere zdravstvene zaštite životinja i veterinarskog javnog zdravstva na području Zeničko-dobojskog kantona u 2021. godini (u daljem tekstu: Program)
Ukupna vrijednost Programa:	400.000,00 KM
Namjena Programa:	Zdravstvena zaštita životinja i unapređenje veterinarskog javnog zdravstva.
Korisnici Programa:	Registrovani subjekti u poslovanju sa hranom (u daljem tekstu: SPH), vlasnici životinja - fizička i pravna lica, Općine/Grad Zeničko-dobojskog kantona, laboratorijske ustanove, veterinarske organizacije, udruženja, pravna lica ovlaštena za uklanjanje leševa životinja i životinjskog otpada (u daljem tekstu: Korisnici)
Izvor sredstava:	Namjenska sredstva u Budžetu Zeničko-dobojskog kantona u 2021. godini, Ministarstvo za poljoprivredu, šumarstvo i vodoprivredu, "Subvencije-veterinarstvo"- namjenska sredstva, razdjel 23, budžetska organizacija 01, potrošačka jedinica 0001, ekonomski kod 614400, NAD 405, na osnovu Zakona o izvršavanju Budžeta Zeničko-dobojskog kantona za 2021. godinu ("Službene novine Zeničko- dobojskog kantona", broj: 7/21).
Odgovorna osoba:	Mirsad Hadžić, ministar

I ZAKONSKI OSNOV ZA DONOŠENJE PROGRAMA

Zakonski osnov za donošenje Programa utroška sredstava od prikupljenih veterinarskih naknada za mjere zdravstvene zaštite životinja i veterinarskog javnog zdravstva na području Zeničko-dobojskog kantona u 2021. godini sadržan je u odredbama člana 124. Zakona o veterinarstvu ("Službene novine Federacije BiH" , broj: 46/00), Zakona o hrani („Službeni glasnik BiH“, broj: 50/04) i člana 24. Pravilnika o visini naknade i načinu raspodjele sredstava za obavljene veterinarsko zdravstvene preglede i kontrolu na teritoriji Federacije Bosne i Hercegovine („Službene novine Federacije BiH“, broj: 51/11, 55/12 i 5/16), a u vezi sa članom 37. stav (1) i članom 46. stav (1) Zakona o izvršavanju Budžeta Zeničko-dobojskog kantona za 2021. godinu („Službene novine Zeničko-dobojskog kantona“, broj: 7/21), kojim je utvrđeno da će se navedena sredstva koristiti u skladu sa Programom utroška kojeg donosi Vlada Kantona.

Ministarstvo za poljoprivredu, šumarstvo i vodoprivredu (u daljem tekstu: Ministarstvo) je izradilo prijedlog Programa utroška sredstava od prikupljenih veterinarskih naknada za mjere zdravstvene zaštite životinja i veterinarskog javnog zdravstva na području Zeničko-dobojskog kantona u 2021. godini (u daljem tekstu: Program).

II IZVORI I VISINA SREDSTAVA IZ KOJIH SE FINANSIRA PROGRAM

Budžetom Zeničko-dobojskog kantona za 2021. godinu („Službene novine Zeničko-dobojskog kantona“, broj: 7/21), „Subvencije-veterinarstvo“, u razdjelu 23, budžetska organizacija 01, potrošačka jedinica 0001, ekonomski kod 614400, subanalitika NAD 405, pozicija „namjenska sredstva“, predviđena su sredstva u iznosu od 400.000,00 KM (slovima: četiristotinehiljada konvertibilnih maraka). Sredstva su prikupljena od naknada za veterinarsko-zdravstvene preglede i kontrole izvršene od strane kantonalne veterinarske inspekcije. U skladu Pravilnikom o visini naknade i načinu raspodjele sredstava za obavljene veterinarsko-zdravstvene preglede i kontrolu na teritoriji Federacije Bosne i Hercegovine i Zaključkom Vlade Zeničko-dobojskog kantona broj: 02-24-15565/16 od 08.09.2016. godine sredstva će biti utrošena za provođenje mjera zdravstvene zaštite životinja i veterinarskog javnog zdravstva na području Kantona.

III AKTIVNOSTI IZ PROGRAMA

Na osnovu epizootiološke situacije na području Zeničko-dobojskog kantona (u daljem tekstu: Kanton), kontinuiteta u provođenju preventivnih mjera zdravstvene zaštite životinja, usklađenosti subjekata u poslovanju sa hranom (u daljem tekstu: SPH) sa legislativom EU, stanja u pogledu higijenske i zdravstvene ispravnosti namirnica životinjskog porijekla (u daljem tekstu: NŽP) koje se proizvode na području Kantona i provođenje mjera zdravstvene zaštite životinja i unapređenje veterinarskog javnog zdravstva na području Kantona u 2021. godini, ovim Programom planira se provođenje slijedećih aktivnosti:

1. Kontrola zdravlja vimen
2. Uzimanje uzoraka za ispitivanje Infektivne anemije konja
3. Naknada štete za eutanazirane životinje
4. Pomoć u provođenju Zakona o zaštiti i dobrobiti životinja
5. Implementacija standarda kod SPH (Program samokontrole, Haccp i Halal)
6. Implementacija sistema upravljanja kvalitetom veterinarskih stanica
7. Eutanazija i neškodljivo uklanjanje oboljelih životinja i dezinfekcija nakon uklanjanja
8. Klinički pregled pčelinjaka na Američku gnjiloću i finansiranje svjedodžbe o zdravstvenom stanju pčela
9. Laboratorijsko ispitivanje uzoraka pčelinjeg legla na Američku gnjiloću
10. Dijagnostička ispitivanja životinja i službenih uzoraka po nalogu veterinarskog inspektora
11. Preventivna vakcinacija goveda protiv Crnog prišta i svinja protiv Kuge svinja
12. Finansiranje preventivne mjere pregleda mesa na prisustvo larvi *Trichinella spiralis*
13. Nabavka veterinarske opreme i opremanje laboratorija veterinarskih organizacija

14. Obuke (edukacije) iz oblasti veterinarstva
15. Realizacija nerealizovanih zahtjeva iz prethodnog perioda i pomoć u posebnim okolnostima.

1. **Kontrola zdravlja vimen** – Sufinansiranje laboratorijskih pretraga broja mikroorganizama i somatskih stanica u mlijeku krava koje se stavlja u javnu potrošnju, za proizvođače koji su u sistemu organizovanog otkupa mlijeka ili su registrovani za preradu mlijeka u vlastitom domaćinstvu. Mjere dijagnostičkog ispitivanja sprovodiće nadležne veterinarske stanice na dodijeljenim područjima djelovanja. Pravo na sredstva ostvaruju proizvođači putem veterinarskih stanica.

Cilj: osigurati otkup mlijeka za javnu potrošnju samo od zdravih kontrolisanih i ispitanih muznih krava, eliminisati iz produkcije sve životinje sa oboljelim vimenom.

2. **Uzimanje uzoraka za ispitivanje Infektivne anemije konja** – Uzimanje uzoraka krvi svih konja radi ispitivanja na prisustvo uzročnika zarazne bolesti Infektivna anemija konja na području Kantona. Pravo na sredstva ostvaruju vlasnici konja putem veterinarskih stanica.

Cilj: suzbiti bolest i ukloniti sve seropozitivne životinje kako bi zaštitili zdravu populaciju konja.

3. **Naknada štete za eutanazirane životinje** – Za eutanazirane životinje i predmete uništene tokom provođenja naređenih mjera, u skladu sa članom 45. i članom 46. Zakona o veterinarstvu ("Službene novine Federacije BiH", broj: 46/00), vlasnicima se plaća naknada štete. Mjere se provode po naredbi Glavnog federalnog veterinarskog inspektora, a za bolesti pčela po naredbi kantonalnog veterinarskog inspektora. Naknada štete se namiruje iz Budžeta Kantona i Budžeta Federacije u jednakom iznosu, a iznos naknade štete korisniku utvrđuje Komisija za procjenu tržišne vrijednosti životinja imenovana od ministra Ministarstva za poljoprivredu, šumarstvo i vodoprivredu Zeničko-dobojskog kantona, u skladu sa odredbama Pravilnika o postupku isplate nadoknade štete za neškodljivo uklonjene seropozitivne životinje („Službene novine Federacije BiH“, broj: 98/12 i 88/18).

Cilj: provesti sve naređene mjere eutanazije životinja i izvršiti pravičnu nadoknadu štete vlasnicima koji su ispunili propisane uslove, za sve ubijene životinje

4. **Pomoć u provođenju Zakona o zaštiti i dobrobiti životinja** - kao pomoć općinama/gradovima u provođenju mjera zbrinjavanja, zdravstvene zaštite i dobrobiti životinja koje su propisane odredbama člana 30. Zakona o zaštiti i dobrobiti životinja („Službeni glasnik BiH“, broj: 25/09) i odredbama člana 124. Zakona o veterinarstvu ("Službene novine Federacije BiH", broj: 46/00) kao mjere koje se finansiraju i iz Budžeta Kantona.

Cilj: osigurati uslove za smještaj većeg broja napuštenih životinja i smanjiti populaciju slobodnokrećućih životinja, osigurati bolje uslove za pružanje zdravstvene zaštite i njege životinja u prihvatilištima.

5. **Implementacija standarda kod SPH (Programa samokontrole, Haccp i Halal)**

- a. Implementacija Programa samokontrole - sprovodi se u svrhu uspostavljanja i provođenja planova samokontrole kod subjekata u poslovanju sa hranom životinjskog porijekla radi dostizanja visokog stepena higijenske i zdravstvene ispravnosti NŽP i sigurnosti potrošača. Planovi omogućavaju:
 - procjenu opasnosti i rizike, indentifikaciju i njihovo otklanjanje prije nastanka zdravstveno neispravnog proizvoda,
 - povećavaju svijest o zdravstvenoj sigurnosti proizvoda i sprečavanju bolesti uzrokovane zdravstveno neispravnim proizvodima,
 - dokumentovanje proizvodnog procesa i provedenih kontrola,
 - povećava povjerenje u zdravstvenu ispravnost i kvalitet proizvoda,

- osigurava se zdravstvena ispravnost proizvoda u svim fazama, počevši od proizvodnje, transporta, distribucije, pripreme i konzumiranja proizvoda,
- definiše individualnu odgovornost,
- uspostavljanje propisanih kriterija sigurnosti hrane,
- poslovanje prema važećoj BiH i EU legislativi.

Cilj: svi registrovani SPH na području Kantona trebaju imati uspostavljen i implementiran program samokontrola u skladu sa odredbama Zakona o hrani („Službeni glasnik BiH“, broj: 50/04), Pravilnikom o veterinarsko-zdravstvenim uslovima za objekte koji proizvode hranu životinjskog porijekla („Službene novine FBiH“, broj: 22/13), Pravilnikom o higijeni hrane („Službeni glasnik BiH“, broj: 4/13), Pravilnikom o organizaciji službenih kontrola proizvoda životinjskog porijekla namijenjenih ishrani ljudi (Službeni glasnik BiH broj: 103/12), Pravilnikom o opštem deklarisanju ili označavanju upakovane hrane („Službeni glasnik BiH“, broj: 87/08), Pravilnikom o maksimalno dozvoljenim količinama za određene kontaminante u hrani („Službeni glasnik BiH“, broj: 68/14), u odnosu na proces proizvodnje.

b. Implementacija HACCP sistema kod SPH – svrha je uspostavljanje i implementiranje HACCP sistema kao obaveznog elementa za osiguranje visokog stepena sigurnosti u procesu proizvodnje zdravstveno ispravnih i sigurnih proizvoda u registrovanim objektima koji proizvode namirnice životinjskog porijekla i posjeduju veterinarski kontrolni broj. HACCP sistem obuhvata:

- Analizu rizika,
- Određivanje kritičnih kontrolnih tačaka,
- Uspostavljanje zaštitnih mjera sa utvrđenim granicama za svaku kontrolnu tačku,
- Uspostavljanje postupaka praćenja kritičnih kontrolnih tačaka,
- Uspostavljanje korektivnih radnji koje se moraju poduzeti kada se utvrdi odstupanje,
- Uspostavljanje postupaka kojima se potvrđuje da sistem ispravno funkcioniра,
- Uspostavljanje učinkovitog vođenja evidencije prema dokumentima HACCP sistema.

Cilj: svi registrirani SPH na području Kantona moraju imati uspostavljen i implementiran HACCP sistem u skladu sa odredbama Zakona o hrani („Službeni glasnik BiH“, broj: 50/04), Pravilnikom o veterinarsko-zdravstvenim uslovima za objekte koji proizvode hranu životinjskog porijekla („Službene novine FBiH“, broj: 22/13), Pravilnikom o higijeni hrane („Službeni glasnik BiH“, broj: 4/13), Pravilnikom o mikrobiološkim kriterijima za hranu („Službeni glasnik BiH“, broj: 11/13 i 79/16), Pravilnikom o organizaciji službenih kontrola proizvoda životinjskog porijekla namijenjenih ishrani ljudi (Službeni glasnik BiH broj: 103/12), Pravilnikom o opštem deklarisanju ili označavanju upakovane hrane („Službeni glasnik BiH“, broj: 87/08) i Pravilnikom o maksimalno dozvoljenim količinama za određene kontaminante u hrani („Službeni glasnik BiH“, broj: 68/14), te na taj način osigurati proizvodnju namirnica životinjskog porijekla sa najvišim standardima zdravstvene ispravnosti.

c. Implementacija HALAL standarda kod SPH – svrha je osigurati proizvodnju zdrave, hranljive i higijenski ispravne hrane u registrovanim objektima koji proizvode namirnice životinjskog porijekla i posjeduju veterinarski kontrolni broj.

Cilj: osigurati veće povjerenje kod krajnjih potrošača namirnica životinjskog porijekla sa ovim standardom, prilagoditi se tržištu izvozno orjentisanih proizvoda i povećati važnost na globalnom tržištu subjektima sa područja Zeničko-dobojskog kantona.

6. Implementacija sistema upravljanja kvalitetom veterinarskih stanica – u svrhu standardizacije postupaka u veterinarskim stanicama, unapređenja rada veterinarskih organizacija sa područja Zeničko dobojskog kantona i zaštite zdravlja životinja i ljudi i mjera za otkrivanje, suzbijanje, sprečavanje i iskorjenjivanje zaraznih i parazitarne bolesti i zoonoza a u skladu sa članom 5. Pravilnika o uslovima za osnivanje i obavljanje veterinarske djelatnosti i načinu dodjele područja djelovanja („Službene novine Federacije BiH“, broj: 5/16). Sistem upravljanja kvalitetom mora biti definiran, dokumentiran, implementiran, kontroliran, revidiran i kontinuirano nadograđivan.

Cilj: Unapređenje veterinarskog javnog zdravstva na području Zeničko-dobojskog kantona, povećanje zadovoljstva korisnika usluga i zaposlenika Veterinarskih stanica, smanjenje troškova i pojačanje produktivnosti uspješnosti poslovanja istih.

- 7. Eutanazija i neškodljivo uklanjanje oboljelih životinja i dezinfekcija nakon uklanjanja** – svrha je sprječavanje, kontrola i suzbijanje zaraznih bolesti životinja, prvenstveno zoonoza i zaštita zdravlja ljudi, životinja i prirodnih resursa kao mogućih kontaminanata. Navedena mjera provodi se u skladu sa članom 46. Zakona o veterinarstvu i Pravilnikom o postupku isplate nadoknade štete za neškodljivo uklonjene seropozitivne životinje (Službene novine Federacije BiH“, broj: 98/12).

Cilj: eutanizirati i neškodljivo ukloniti sve bolesne životinje za koje nadležni inspektori narede tu mjeru, kroz finasiranje omogućiti što brže njeno provođenje kako bi se smanjilo vrijeme dispozicije.

- 8. Klinički pregled pčelinjaka na Američku gnjiloću i izdavanje svjedodžbe o zdravstvenom stanju pčela** - svrha je otkrivanje, suzbijanje i iskorjenjivanje ove bolesti u pčelinjacima, kao uzrok propadanja pčelinjih zajednica. Klinički pregled i izdavanje svjedodžbe o zdravstvenom stanju pčela za seleće pčelare sprovodi ovlaštena veterinarska stanica u skladu sa Odlukom o veterinarskoj svjedodžbi o zdravstvenom stanju životinja i pošiljaka životinjskog porijekla u unutrašnjem i međunarodnom prometu („Službene novine Federacije BiH“, broj:33/03, 35/05, 6/15 i 45/15).

Cilj: održati postojeći broj pčelinjaka sa tendencijom povećanja broja i organizovanja pčelarstva u vidu moderne i zdravstveno ispravne proizvodnje.

- 9. Laboratorijsko ispitivanje uzoraka pčelinjeg legla na Američku gnjiloću** – svrha je otkrivanje i suzbijanje zarazne bolesti Američka kuga pčelinjeg legla jer proizvodi velike ekonomske štete i ima negativan uticaj na pčelarstvo. Pravni osnov za provođenje ove mjere je član 124. Zakona o veterinarstvu („Službene novine Federacije BiH“, broj: 46/00).

- 10. Dijagnostička ispitivanja živih životinja i službenih uzoraka po nalogu veterinarskog inspektora** – provodi se kada kantonalni veterinarski inspektor procijeni i utvrdi potrebnim dodatna službena uzorkovanja za ispitivanje higijenske i zdravstvene ispravnosti uzoraka hrane, uzoraka za dijagnostičke pretrage radi utvrđivanja prisustva zarazne bolesti životinja prvenstveno kod utvrđenog oboljenja ljudi. Navedena mjera ima pravni osnov u Zakonu o veterinarstvu („Službene novine Federacije BiH“, broj: 46/00), Zakona o hrani („Službeni glasnik BiH“, broj: 50/04), Pravilnikom o higijeni hrane („Službeni glasnik BiH“, broj: 4/13) i Pravilniku o mjerama kontrole Bruceloze kod malih preživača („Službeni glasnik BiH“, broj: 4/13).

- 11. Preventivna vakcinacija goveda protiv Crnog prišta i svinja protiv Kuge svinja** -provodi se u svrhu sprečavanja suzbijanja i iskorjenjivanja ovih bolesti kod životinja jer predstavljaju opasnost za zdravlje ljudi i opasnost od nastanka velikih ekonomskih i materijalnih šteta.

Cilj: vakcinisati sva goveda u distriktima Antraksa i tako smanjiti opasnost od širenja bolesti na ljude i imunizirati cijelu populaciju domaćih svinja kako bi se umanjila opasnost od nastanka ekonomskih šteta.

- 12. Preventivna mjera pregleda mesa na prisustvo larvi Trichinella spiralis** - u svrhu zaštite zdravlja ljudi i životinja u svim slučajevima klanja svinja radi upotrebe mesa za ljudsku ishranu, izvršiti će se pregled mesa na prisustvo larvi Trichinella spiralis. Navedena mjera ima pravni osnov u Odluci o mjerama za suzbijanje i iskorjenjivanje trihineloze životinja ("Službeni glasnik BiH", broj 44/03), Pravilniku o načinu obavljanja pretrage na prisutnost trihinelu u mesu ("Službeni glasnik BiH", broj 56/11 i 4/13).

Cilj: Smanjiti opasnost od širenja bolesti trihinelozu na životinje i ljude.

13. Obuke (edukacije) iz oblasti veterinarstva – svrha je jačanje veterinarskog javnog zdravstva i provođenja mjera zaštite od zoonoza. Finansiraće se obuke ili edukacije za čiju realizaciju se ukaže potreba a u skladu sa važećom legislativom, Zakona o veterinarstvu („Službene novine Federacije BiH“, broj: 46/00), Zakona o hrani („Službeni glasnik BiH“, broj: 50/04), Pravilnika o higijeni hrane životinjskog porijekla („Službeni glasnik BiH“, broj: 103/11 i 28/14). Obuke ili edukacije su namijenjene za vlasnike životinja, veterinarske organizacije, osobe koje se nalaze u različitim fazama proizvodnje, prerade i distribucije NŽP, koje dolaze u dodir sa životinjama i mesom slobodno živuće divljači, za odgovorna lica u objektima koji moraju biti pod veterinarskom kontrolom i tamo gdje je to bude potrebno.

Cilj: unapređenje zaštite zdravlja životinja i ljudi, podizanje znanja i svijesti farmera, lovaca o značaju provođenja zootehnički i higijenski mjera, provođenja dobre higijenske i proizvođačke prakse, opšteg znanja o zoohigijeni na farmama, propisa o hrani i hrani za životinje, zdravlja i dobrobiti životinja i efikasnijem provođenju preventivnih mjera na području Zeničko-dobojskog kantona.

14. Nabavka veterinarske opreme i opremanje laboratorija veterinarskih organizacija - u svrhu jačanja tehničke opremljenosti veterinarskih organizacija sufinansiraće se nabavka veterinarske opreme i oprema laboratorija veterinarskih organizacija u iznosu do 30 % od ukupnog iznosa nabavke.

Cilj: unapređenje veterinarskog javnog zdravstva i efikasnije provođenje mjera zdravstvene zaštite životinja na području Zeničko-dobojskog kantona.

15. Realizacija nerealizovanih zahtjeva iz prethodnog perioda i pomoć u posebnim okolnostima – svrha utroška je izmirivanje svih nerealizovanih potraživanja iz prethodnog perioda kao i dodjeljivanje pomoći za revitalizaciju animalne proizvodnje koja je pretrpila znatne štete i za čije pokretanje sam vlasnik nije u mogućnosti obezbijediti sva sredstva.

Cilj: izmiriti sva zaostala potraživanja i pružiti odgovarajuću pomoć subjektima koji su pretrpili materijalnu štetu.

VI KRITERIJI ZA ODOBRAVANJE SREDSTAVA

A. Opći kriteriji

Sredstva po ovom Programu moći će ostvariti Korisnici koji ispune opće i posebne kriterije, kako slijedi:

- Korisnici moraju imati prebivalište, odnosno sjedište na području Zeničko - dobojskog kantona a SPH moraju posjedovati veterinarski kontrolni broj,
- Korisnici ne smiju imati dugovanja prema Kantonu po osnovu javnih prihoda i svih ostalih obaveza prema Kantonu, u skladu sa Zaključkom Vlade Zeničko-dobojskog kantona, broj: 02-14-8705/17 od 01.06.2017. godine,
- Korisnici ne mogu ostvariti pravo na finansiranje istih preventivnih mjera u koliko su to pravo ostvarili kod drugog kantonalnog ili federalnog organa,
- Životinje koje budu obuhvaćene ovim Programom moraju biti upisane u jedinstveni registar domaćih životinja u skladu sa Pravilnikom o označavanju životinja i šemi kontrole kretanja životinja u BiH („Službeni glasnik BiH“ broj: 28/03) i Pravilnikom o obaveznom označavanju i upisu jedinstveni registar ovaca, koza i svinja, te vođenje evidencija („Službene novine Federacije BiH“, broj: 87/07).
- Veterinarske stanice mogu ostvariti pravo na sredstva za organizaciju i provođenje mjera samo na dodijeljenom području djelovanja;

B. Posebni kriteriji po planiranim aktivnostima iz Programa

- 1. Kontrola zdravlja vimen** – pored općih kriterija životinje koje se ispituju moraju biti u laktaciji i moraju biti uključene u organizovani otkup mlijeka. Planirani iznos sredstava je 90.000,00 KM a sufinansiranje iznosi 15,00 KM/kravi u laktaciji.
- 2. Uzimanje uzoraka za ispitivanje Infektivne anemije konja** – konji koji se ispituju moraju biti identifikovani i obilježeni čipom. Planirani iznos sredstava je 10.000,00 KM.
- 3. Naknada štete za eutanazirane životinje** – da bi ostvarili pravo na nadoknadu štete vlasnici eutanaziranih životinja su dužni dostaviti kompletiranu dokumentaciju koja je propisana Pravilnikom o postupku isplate nadoknade štete za neškodljivo uklonjene seropozitivne životinje („Službene novine Federacije BiH“, broj: 98/12 i 88/18). Planirani iznos sredstava je 30.000,00 KM.
- 4. Pomoć u provođenju Zakona o zaštiti i dobrobiti životinja** – korisnici sredstava mogu ostvariti pravo na sredstva kao pomoć za izgradnju skloništa za životinje ili kao pomoć u funkcionisanju i zdravstvenoj zaštiti zbrinutih životinja ako dostave važeću urbanističku saglasnost ili građevinsku dozvolu za objekte koji počinju izgradnju ili su u fazi izgradnje i dostave dozvolu o formiranju skloništa koja je izdata od nadležnog organa općine/grada. Planirani iznos sredstava je 40.000,00 KM.
- 5. Implementacija standarda kod SPH (Programa samokontrole, Haccp i Halal)** – sufinansiraće se implementacija Programa samokontrole, Haccp i Halal standarda kod SPH koji posjeduju veterinarski kontrolni broj u iznosu do 1.500,00 KM za Programe samokontrola, HACCP sistema u iznosu do 3.000,00 KM i za Halal standard iznos do 1.000,00 KM. Planirani iznos sredstava je 30.000,00 KM.
- 6. Implementacija sistema upravljanja kvalitetom veterinarskih stanica** – sufinansiraće se implementacija sistema upravljanja kvalitetom Veterinarskih stanica koje imaju dodijeljeno područje djelovanja na Zeničko-dobojskom kantonu u iznosu do 1.000,00 KM. Planirani iznos sredstava je 20.000,00 KM.
- 7. Eutanazija i neškodljivo uklanjanje oboljelih životinja i dezinfekcija nakon uklanjanja** - vlasnicima životinja finansiraće se nastali troškovi eutanazije bolesnih životinja u punom iznosu, kada veterinarski inspektor naredi eutanaziju i neškodljivo uklanjanje koje će obaviti nadležne veterinarske stanice sa područja Zeničko-dobojskog kantona. Planirani iznos sredstava je 10.000,00 KM.
- 8. Klinički pregled pčelinjaka na Američku gnjiloću i izdavanje svjedodžbe o zdravstvenom stanju pčela** – klinički pregled svih pčelinjaka čiji vlasnici su prijavljeni u Zeničko-dobojskom kantonu i čiji pčelinjaci se nalazena području Kantona, na prisustvo zarazne bolesti Američka gnjiloća pčelinjeg legla, u cilju sprečavanja velikih materijalnih šteta u pčelinjacima. Klinički pregled će provoditi nadležne veterinarske stanice. Uz klinički pregled pčelinjaka finansiraće se izdavanje svjedodžbe o zdravstvenom stanju pčela za sve seleće pčelare. Planirani iznos sredstava je 30.000,00 KM.
- 9. Laboratorijsko ispitivanje uzoraka pčelinjeg legla na Američku gnjiloću** – finansiraće se u punom iznosu dijagnostičko ispitivanje uzoraka pčelinjeg legla na prisustvo uzročnika Američke gnjiloće pčelinjeg legla, kada nadležna veterinarska stanica kliničkim pregledom utvrdi sumnju na prisustvo bolesti i uzorke dostavi ovlaštenoj akreditovanoj laboratoriji. Planirani iznos sredstava je 5.000,00 KM.

- 10. Dijagnostička ispitivanja životinja i službenih uzoraka po nalogu veterinarskog inspektora** – finansiraće se dijagnostička ispitivanja uzoraka uzetih od strane nadležnog veterinarskog inspektora Kantonalne uprave za inspeksijske poslove Zeničko-dobojskog kantona, kod sumnje na prisustvo zarazne bolesti životinja i kod ispitivanja zdravstvene ispravnosti hrane i hrane za životinje, tokom provođenja službenih kontrola. Planirani iznos sredstava je 5.000,00 KM.
- 11. Preventivna vakcinacija goveda protiv Crnog prišta i svinja protiv Kuge svinja** – finansiraće se preventivna vakcinacija životinja radi sprečavanja i iskorjenjivanja zaraznih bolesti životinja od značaja za Federaciju BiH i Zeničko-dobojski kanton, jer predstavljaju opasnost za zdravlje ljudi i jer mogu nanijeti velike materijalne štete i to:
- a. Vakcinacija goveda protiv Crnog prišta (Antraks) – finansiraće se preventivna vakcinacija goveda u distriktnom područjima Crnog prišta u Kantonu. Planirani iznos sredstava je 20.000,00 KM.
 - b. Vakcinacija domaćih svinja protiv Kuge svinja – finansiraće se preventivna vakcinacija domaćih svinja protiv Kuge svinja. Planirani iznos sredstava je 20.000,00 KM.
- 12. Preventivna mjera pregleda mesa na prisustvo larvi *Trichinella spiralis*** – finansiraće se preventivni pregled mesa domaćih svinja i mesa slobodno živuće divljači vlasnicima životinja na području Zeničko-dobojskog kantona radi zaštite zdravlja ljudi. Planirani iznos sredstava je 10.000,00 KM.
- 13. Obuke (edukacije) iz oblasti veterinarstva** – finansiraće se obuka (edukacije) iz oblasti veterinarstva koje imaju prethodnu saglasnost od nadležnog Federalnog ministarstva poljoprivrede, vodoprivrede i šumarstva. Obuke ili edukacije su namijenjene za vlasnike životinja, veterinarske organizacije, osobe koje se nalaze u različitim fazama proizvodnje, prerade i distribucije NŽP-a, koje dolaze u dodir sa životinjama i mesom slobodno živuće divljači, za odgovorna lica u objektima koji moraju biti pod veterinarskom kontrolom na području Zeničko-dobojskog kantona. Planirani iznos sredstava je 25.000,00 KM.
- 14. Nabavka veterinarske opreme i opremanje laboratorija veterinarskih organizacija** – finansiraće se nabavka nove veterinarske opreme i opreme za veterinarske laboratorije registrovanim veterinarskim organizacijama sa područja Zeničko-dobojskog kantona u iznosu do 7.000,00 KM po subjektu. Planirani iznos sredstava je 30.000,00 KM.
- 15. Realizacija nerealizovanih zahtjeva iz prethodnog perioda i pomoć u posebnim okolnostima** – odobrava će se zahtjevi iz prethodnog perioda koji zbog određenih administrativnih poteškoća nisu isplaćeni ili kada je korisnik ostvario pravo u ponovljenom postupku provedenom po pravosnažnoj sudskoj presudi, odnosno po pravosnažnom rješenju donesenom u drugostepenom postupku. Dodjeljivaće se sredstva pomoći zbog šteta nastalih kao posljedica prirodnih nesreća ili šteta nastalih zbog naglih uginuća životinja, a koje nisu nastale nebrigom vlasnika. Nakon razmatranja zahtjeva sredstva će odobravati Vlada posebnim zaključkom ili odlukom, na prijedlog Ministarstva. Planirani iznos sredstava je 25.000,00 KM.

V VISINA I RASPODJELA SREDSTAVA PO AKTIVNOSTIMA

Budžetom Zeničko-dobojskog kantona za 2021. godinu („Službene novine Zeničko-dobojskog kantona“, broj: 7/21), „Subvencije-veterinarstvo“, u razdjelu 23, budžetska organizacija 01, potrošačka jedinica 0001, ekonomski kod 614400, subanalitika NAD 405, pozicija „namjenska sredstva“, predviđena su sredstva u iznosu od 400.000,00 KM (slovima: četiristotinehiljada konvertibilnih maraka).

R/B	Aktivnost	Iznos po KM/jedinici	Iznos u KM
1.	Kontrola zdravlja vimen	15,00/govedo	90.000,00
2.	Uzimanje uzoraka za ispitivanje Infektivne anemije konja	25,00/grlo	10.000,00
3.	Naknada štete za eutanazirane životinje	procijena komisije	30.000,00
4.	Pomoć u provođenju Zakona o zaštiti i dobrobiti životinja	/	40.000,00
5.	Implementacija standarda kod SPH (Programa samokontrole, Haccp i Halal)	po fiskalnom računu	30.000,00
6.	Implementacija sistema upravljanja kvalitetom veterinarskih stanica	po fiskalnom računu	20.000,00
7.	Finansiranje troškova eutanazije i neškodljivog uklanjanja oboljelih životinja	po fiskalnom računu	10.000,00
8.	Klinički pregled pčelinjaka na Američku gnjiloću i izdavanje svjedodžbe o zdravstvenom stanju pčela	po fiskalnom računu	30.000,00
9.	Laboratorijsko ispitivanje uzoraka pčelinjeg legla na Američku gnjiloću	po fiskalnom računu	5.000,00
10.	Dijagnostička ispitivanja životinja i službenih uzoraka po nalogu veterinarskog inspektora	po fiskalnom računu	5.000,00
11.	Preventivna vakcinacija goveda protiv Crnog prišta i svinja protiv Kuge svinja	do 15,00 KM/govedo sa PDV do 10,00 KM/svinja sa PDV	40.000,00
12.	Preventivna mjera pregleda mesa na prisustvo larvi Trichinella spiralis	5,00KM/svinja sa PDV	10.000,00
13.	Obuke (edukacije) iz oblasti veterinarstva	po fiskalnom računu	25.000,00
14.	Nabavka veterinarske opreme i opremanje laboratorija veterinarskih organizacija	do 30% od fiskalnog računa	30.000,00
15.	Realizacija nerealizovanih zahtjeva iz prethodnog perioda i pomoć u posebnim okolnostima	/	25.000,00
	UKUPNO :		400.000,00

Napomena: Kolone u tabelama koje definišu procjenu potrebnih sredstava u KM su projekcija mogućeg utroška sredstava, tako da će ovisno o broju zahtjeva biti prelijevanja sredstava iz jedne aktivnosti u drugu. Zbog mogućih nepredvidivih situacija u pogledu stanja i kretanja zaraznih bolesti životinja, moguća su preusmjeravanja već planiranih sredstava u druge neophodne mjere (aktivnosti).

Na prijedlog Ministarstva za poljoprivredu, šumarstvo i vodoprivredu Zeničko-dobojskog kantona, Vlada Zeničko-dobojskog kantona će za svaku planiranu aktivnost ili u slučaju utroška sredstava iz rezerve ovog Programa, posebnim zaključcima ili odlukama odobravati sredstva iz Budžeta.

PREMIJER

Mirnes Bašić

Broj: 02- /21

Datum, 16.06.2021. godine

Zenica

DOSTAVLJENO:

1x Ministarstvu za poljoprivredu, šumarstvo i vodoprivredu,

1x Ministarstvu finansija,

1x a/a.